



## ՉԱՌԱԲԻ-ԽԱՆ - ՎԵՐԱԾՆՎԱԾ ԵՎ ՎԵՐԱԳՏԱԾ ՓՈՔՐԻԿ ՎԱՆ\*

*« Եթէ մոռացայց զքեզ, Երուսաղէմ, մոռացի  
զիս աջ իմ: Կցեսցի յեզու իմ ի քիսս իմ՝ թէ ոչ  
յիշեցից զքեզ, թէ ոչ նախ նուագեցից զքեզ,  
Երուսաղէմ, սկիզբն ուրախութեան իմոյ »:*

Վերջապես լուսը քացվեց: Այս հաստատ, փոքրիկ ճաշկերույթին մասնակցած սեղանակիցներն ամբողջ գիշեր չքնեցին, միայն խիստ ընդարմացածները երբեմն-երբեմն մի քանի անգամ դանթեցին իրենց նստած տեղերում, ուղղակի սեղանի մոտ՝ այդ կերպ թարմացնելով իրենց քիչ թե շատ մթազնած և բթացած ուղեղները: Դանթելուց հետո, որոշ չափով թարմացած, կրկին շարունակեցին իրենց բուռն ու ջերմ գրույցը, որի վերջը չէր երևում: Երեխաները դեռևս քնած էին: Նրանք նախօրյակին անցկացրել էին իրենց ամենաերջանիկ օրը՝ երանելի ցնծության մեջ թաթավված: Չադոն այդ օրը գործի չգնաց, որովհետև խիստ գինովցած էր և անքուն: Իսկ կանանց մոտ հոգնածության կամ անքնության նշույլ անգամ չէր նկատվում: Նրանք ամբողջ գիշեր համարյա անընդհատ շարժման մեջ էին եղել, աման տարել, աման բերել, թարմացրել գինու սափորը: Սեղանը միշտ առատ էր: ԹՎում էր, թե կանայք հանգստանալու կամ մի փոքր քուններն առնելու կարիք էլ չունեն, որովհետև հոգու խռովքն ու մշուշոտ ապագայի նկատմամբ նրանց մտասևեռումներն ու վերլուծումները՝ վերջնական արդյունքի հանգեղու և գտնելու կյանքի մոտալուտ ապագայի հեռանկարներ, ապարդյուն էին անցնում: Եվ դրա համար էլ նրանց գրույցն անվերջանալի էր:

Ինչո՞ւ Երկիրն այս օրի հասավ:

Այս հարցն էր հիմնական թեման մեր գաղթականների այս փոքրիկ խմբի գրույց-բանավեճի: Եվ, այնուամենայնիվ, բոլորը եկան այն եզրակացության, որ փոքր, խեղճ և անօգնական ժողովուրդները զրկված են ապրելու իրավունքից՝ գայլային անհագուրդ ախորժակով զրահավորված ձգոր ու բարբարոս, անապատային վայրի ցեղերին

\* Չորրորդ մասը տես № 7, էջ 80:

հատուկ «քաղաքակիրթ» հավաքականությունների ակտիվների պատճառով, ակտիվում, որը փոքր ժողովուրդներին, որքան էլ նրանք հազարամյակների պատմություն ունենան և աշխարհին դարերի ընթացքում շնորհած լինեն իրենց հոգևոր և մտավոր նվաճումները, այնուամենայնիվ դատապարտված են կործանման, քնաջնջման և իսպառ վերացման: Այդ է նրանց անխուսափելի ապագան: Փոքր և անօգնական ժողովուրդների ճակատագիրը հա՛ր և նման է այն որդացած երեխայի ապագային, որի կյանքի հետագա ընթացքը կախված է լոկ պատահականությունից, փոթորկահույզ ծովի ամենակործան ալիքի քմահաճույքից, նայած թե կյանքի այդ խոտվահույզ ալիքը նրան ինչպիսի ակտիվություն կբերի: Հայ ժողովուրդը ճակատագրի բերումով ճի՛շտ և ճիշտ այդպիսի փոթորկոտ ալեկոծության է ենթարկվել, և նրա ապագան անորոշ է և չափազանց մշուշոտ...

Արևն արդեն դուրս էր եկել: Ջառարի-խանում սկսվել էր մարդկանց անցողարձը: Քանի որ, որպես Աստուծո արարած, գաղթականների առօրյան դեռևս իր բնականոն հունի մեջ չէր մտել, և մարդիկ առայժմ անորոշ, ծանր և անհեռանկար օրեր էին անցկացնում՝ բարվոք օրվա սպասումով, ապա նրանց հիմնական մտահոգությունն էր՝ ապաքինել իրենց հոգու և մարմնի վերքերը և ուժ գտնել՝ մտնելու համար մարդուն արժանի կյանքի խաղաղ ընթացքի մեջ:

Առավոտ վաղ Ջառարի-խանի բակում սկսվեց օջախներից ծուխ բարձրանալ: Մարդիկ իրենց համեստ նախաճաշի պատրաստությունն էին տեսնում: Գաղթականների խմբերում դեռևս հիվանդների քանակը անհամեմատ շատ էր: Լինում էին մահ մահացություններ: Յուրաքանչյուր ընտանիք առայժմ բացառապես մտահոգված էր հանապազօրյա իր ապրուստի հոգսերով, ինչ անել, ինչպես գոյատևել՝ մինչև կգային պայծառ ու լուսավոր օրեր: Բայց կյանքի այսքան ծանր օրերին անզամ նրանց մոտ, այնուամենայնիվ և ի բարեբախտություն, հուսալքության ու հոռետեսության նշույլ անզամ չէր նկատվում: Նրանք լավատես էին ապագայի նկատմամբ:

Գաղթականներին հուզող թեմայի նյութն անսպառ էր, և սեղանակիցների զրույցը շարունակվում էր ու շարունակվում, չէր գտնում իր ավարտը: Երեխաներն արդեն արթնացել էին և եկել-նստել սեղանի շուրջ: Մտողները կերակրում էին նրանց:

Քանի որ ճաշկերույթի ողջ ընթացքում, օգտվելով ավագության իրավունքից, սեղանի թամադան Մարկոս աղան էր, ուստի Գրիգորը վեր կացավ աթոռից, անհանգիստ և անհամարձակ շարժումով վերջրեց գինու բաժակը, թամադայի ներողամտությունը հայեց և ասաց.

- Մարկոս աղա, Ջարուխ, կուզեմ մեյ պան ասել...

Մարկոս աղան, կոահելով Գրիգորի միտքը, կանխեց նրա խոսքը՝ խիստ փաղաքջական տոնով ասելով.

- Չե՛մ թույլ տա, հանքիստ նստի տեղտ: Թամադան էտ իրավունք ունի: Կխասկնամ, ինչ ի կուզես ասել: Քե խոսք չեմ տա:

- Ախար չեղավ, Մարկոս աղա: Տու քե ինքնակոչ քերպով թամադա նշանակիցիր, մկա էլ կփոճանա՞ս վեր մե, - կատակի տալով իր դժգոհությունն արտահայտեց Վարդանը:

Մարկոս աղան կոսիել էր, որ Գրիգորը ցանկանում է իր և վարդաշի ընտանիքների անունից շնորհակալություն հայտնել իրեն և իր կնոջը: Հենց այդ պատճառով էլ նա թույլ չէր տալիս խոսելու նրան: Եվ իրոք, Մարկոս աղայի այս քայլը խիստ մարդասիրական էր և բարեգործական, որը և Գրիգորին ու վարդանին որել էր անելանելի որոության մեջ... Ինչպե՞ս պատասխանել այս վարմունքին:

- Ես ձե խոսք չեմ տա, - խոսքն ուղղված էր Գրիգորին և վարդանին, - կարծելեմ խոսել էտ մասին, - ասաց Մարկոս աղան:

Գրիգորը ստիպված նստեց:

- Համենայն թեպս մարդկային կյանք, ինչպես էլ էլնի էնի՝ վատ կամ լավ, կշարունակի ուր անկասելի ընթացք վեր աշխրջին: Փայց, դիտելով շրջապատ, ակամայեմ կզարմանաս. ինչի՞ ամենաարդար Աստված է՛ս ճակատագիր կանխատեսեց մեզ, - շարունակեց իր խոսքը Մարկոս աղան:

- Աստուծո քործեր անքննելի են, Մարկոս աղա, - վեր նայելով և երեսը խաչակնքելով ասաց Ջարուհի-Ջարուխը, - մեռնեմ ինոր գորության: Մարդի՛կ են, որ չարացիր են և կքաղեն իրենց կատարածի պատուհներ: Փայց մեր հո՛ւս-ապավեն էլի Աստված ի:

- Ըիշտ կասի Ջարուխ, մենք ի, որ չարացիր ենք, և Աստված կպատժի մեզ: Աստված սար կտիսնա, ծուն կտնի, - կարճ և կտրուկ ասաց Ջարոն:

- Էս անմեղ լաճե՞ր ինչ մեղավոր են, որ Աստված ինոնց կպատժի, - մեջ մտավ Մոնոն:

Աստված մեռնողի՛ն չի պատժի, Մոն, որդիս, Աստված կենդանի՛ մնացողին ի, որ կպատժի: Մեռնող մեռա՛վ՝ պրծա՛վ: Կենդանի մնացո՛ղն ի, որ ուր ողջ կյանքի մեջ պիտի տառապի՝ պատժվելով, - եզրակացրեց Մարկոս աղան:

Երեխաները կերել-վերջացրել էին և դուրս եկել քակ: Կեսօր էր:

Մարկոս աղան վեր կացավ և կնոջը դուրս կանչեց: Մի քանի րոպե հետո նրանք վերադարձան: Բոլորը՝ տղամարդ թե կին, հավաքվեցին սեղանի շուրջ: Մարկոս աղան վերցրեց քաժակը և ասաց.

- Արդեն երկրորդ օրն ի, ինչ մենք կթեմքե՞ք էս սեղանի շուրջ, ուստի թույլ տվեք օրհնել էս օջախ և շնորհակալություն հայտնել ինոր նոր տերերուն: Մենք՝ ես և Ջարուխ, շնորհակալ ենք ձեզնե, Քիրիջյոր, վարդան, Սաթեն, Ջարեր: Թող էս օջախ լի՛ և կենսուրախ էլնի այսուհետև՝ ձեր շնորհիվ, ձեր ջանադրությամբ և կյանքի նկատմամբ ձեր լավատեսությամբ: Մոռացեք անցյալ՝ տառնություններ և տառապանքներ, էնի անցա՛վ-պրծա՛վ, թեն էտի անհնար ի, որովհետև էնի մեր կյանքի մաս կկազմի: Անցյալ և ներկան շողկապված են իրարու: Առանց մեկ մյուսի՝ անհնար ի: Մենք՝ ես և Ջարուխ, համոզված ենք, որ էս օջախ շատ կարճ ժամանակի ընթացքին կթեմի ուրան և կմտնի կյանքի լիարժեք հունի մեջ: Մենակ տուք չեք, մենակ մենք չենք, այլ էս համատարած շրջապատ, կխասկնա՞ք, - ձեռքի շարժումով ցույց տալով ողջ Ջառաթի-խանը, - փոլորն են շատ ծանր վիճակի մեջ: Տուք պիտի ստեղծեք նոր կյանք: Իսոնք փոլոր ժամանակավոր թժվարություններ են: Ես հույս ունեմ, որ մենք շատ շուտով կհաղթահարենք ներկա էս ծանր, շա՛տ ծանր օրեր և կխասնենք խաղաղ և փարքաված ժամանակների: Կմաղթեմ փոլորիդ

ուժ, կամք, կորով, սեր, միություն և, ամենակարևորը՝ համփերություն, համփերություն և նորեն համփերություն: Մենք մեր հույս պիտի թալենք վեր Աստծուն: Աստված մեծ ի, Էնի չի թողնե մեզ անտեր:

- Ամենակարող Տեր, զորավիզ կայնի էս անտեր ու տառապյալ ժողովրդին, Տու ես մեր հո՛ւյս -ապավեն, - դեպի վեր նայելով աղաչախառն ասաց Ջարուհի-Ջարուխը:

Ի համաձայնություն Մարկոս աղայի մաղթանք-հորդորների, բոլորը վեր կացան տեղերից, վերցրեցին իրենց բաժակները և «Տեր Աստված, Քյո գթասրտությանն ու ողորմածությանն ենք ապավինե» ասելով քաղցրորեն ըմպեցին իրենց բաժակների դառնահամ, բայց չափազանց կենսատու պարունակությունը:

- Ջարուխ, - կնոջը դիմեց Մարկոս աղան, - պատրաստվի՛, արդեն ուշ ի, մենք էսօր շատ կործ ունենք:

- Ես արդեն սնդուկների մեջ դասավորիր եմ ամեն ինչ, - պատասխանեց Ջարուհի-Ջարուխը:

- Մի անհանքստացեք, Մարկոս աղա, ես ձե կտանեմ, - ասաց Ջադոն:

- Էս վիճակով՝ զինովցա՛ծ, հոգնա՛ծ, անքո՛ւն, ինչպե՛ս պիտի տանես, - առարկեց Մարկոս աղան:

- Ե՛ս չեմ տանե, ձիե՛ր կտանեն, - կատակի տվեց Ջադոն:

Այս ասելով, Ջադոն դուրս եկավ: Քիչ հետո Մարանդիգի Ավետիսի ձիակառքը, որին լծված էին երկու մուգ շագանակագույն ձիեր, կանգ առավ Մարկոս աղայի բնակարանի մուտքի մոտ:

Ներս մտավ Ջադոն և ասաց.

- Ֆայտոն պատրաստ ի:

- Մարանդիգի Ավետի՛ս մեզ պիտի տանի, - պատուհանից նկատելով ձիակառքը, հարցրեց Մարկոս աղան:

- Խա՛:

- Ինչի՞ ներս չհրավիրիցիր, անհարմար ի, - նեղսրտեց Մարկոս աղան:

- Ի՛նչ արիցի, ներս չմտավ, - արդարացավ Ջադոն:

Քիչ հետո բոլորը դրսում էին, ձիակառքի շուրջ: Հրածեշտ էին տալիս միմյանց: Առիթից օգտվելով, Գրիգորը և Վարդանը մոտեցան Մարկոս աղային, բռնեցին նրա աջը և խոնարհարար և շերմազին համբուրեցին այն ի նշան իրենց շնորհակալության: Մարկոս աղան դժկամությամբ ընդունեց այդ վարմունքը: Բայց և այնպես, նրանց կողմից թույլ տրված այդ անկեղծ վարմունքը Մարկոս աղայի մոտ արթնացրեց հոգու անկեղծ և քաղցր մի խոտվք: Նա չկարողացավ գսպել իր հուզմունքը և մեկ առ մեկ սրտալի համբույր դրոշմեց Գրիգորի, Վարդանի, Սաթենիկի, Ջարուհի-Ջարեռի ճակատներին և այնուհետև գրկեց փոքրիկ Վազգենին և սրտազին համբույրով սեղմեց իր կրծքին: Համարյա նույն վարմունքը դրսևորեց նաև Ջարուհի-Ջարուխը՝ ի նշան հրածեշտի:

Երբ հրածեշտի այս պարզ ու անկեղծ արարողությունը վերջացավ, Մարկոս աղան և իր կինը բարձրացան ձիակառք:

- Մարկո՛ս աղա, Ջարո՛խ, տուք մեր փրկիչն եք, - չկարողանալով գսպել իր արցունքները, ասաց Սաթենիկը:

- Մնացեք խաղաղությամբ, Աստված ձեզ խետ, - համարյա միաժամանակ ասացին մեկնողները:

Մարանդիզի Ավետիսը թեթևակի մտրակեց ձիերին, և ձիակառքը շարժվեց: Ծանապարհողները լռեցան, անշարժ և ակնդետ հետևում էին ձիակառքի ընթացքին՝ այնքան ժամանակ, մինչև որ այն դուրս եկավ Ջատարի-Նանի տարածքից և իրենց տեսադաշտից անհետացրեց այդ ազնիվ, առաքինի և սուրբ ամուսիններին՝ մերօրյա փրկիչներին:

Ձիակառքի մեկնելուց հետո, բոլորը կրկին մերս մտան: Կանայք սկսեցին Քավաքել սեղանը, իսկ տղամարդիկ, քաշվելով սեմյակի մի անկյուն, նստեցին և շարունակեցին իրենց զրույցը:

- Մենք ինչպե՞ս պիտի տուս կյանք էտ աստվածային մարդու լավության տակեն, - ներկաներին ուղղելով իր խոսքը, ասաց Գրիգորը:

- Կերևա, մենք ամփոխչ կյանքում պիտի ինոր պարտական մնանք, - ասաց Վարդանը:

- Ինոնք մկա էն տատարկ տան մեչ ի՞նչ պիտի անեն, - մտատանջ ասաց Գրիգորը:

- Մարկոս աղայի ծեռ քարի տակ չի, էնի էսօր ամեն ինչ կկարքաթրի, - վրա բերեց Ջադոն: - Մի՛ սրտնեղեք, տղեկներ, ինոնք փացառիկ մարդիկ են: Ինոնք լավություն կանեն փոլորի՛ն և ո՛չ մեկին պարտական չեն համարի:

- Աստված ինոնց մեծ սրտի չափ ինոնց տա, - մաղթախառն ասաց Ջարերը:

- Աստված ինոնց մեկ խազա՛ր անի, - Ջարերի մաղթանքին ավելացրեց Նանիկը:

Տղամարդկանց զրույցը հիմնականում գնում էր վաղվա անելիքների մասին. ինչպե՞ս անեն, ի՞նչ աշխատանք գտնեն, որպեսզի կարողանան հայթայթել իրենց ընտանիքի ապրուստի միջոցը:

Երբ սեղանը վերջնականապես հավաքվեց, տունը մաքրվեց և կարգավորվեց, Նանիկը դիմեց Սաթեհիկին.

- Իմ քյուր, փոլորս էլ շա՛տ հոքնած ենք, անքուն, տո՛ւք՝ առավել ևս: Մենք էթանք, տուք էլ մի քիչ պառկեք-հանքստացեք, - դիմելով ամուսնուն, - ի՞նչ կասես, Ջադո՛:

- Էհ, եթե կասես, էթանք, - իր պատրաստակամությունը հայտնեց Ջադոն:

Քանի որ երեխաներն արդեն դրսում էին, Ջադոն ու Նանիկը գնացին իրենց տուն: Մ՛նոն մնաց:

- Մենք էս վիճակով, - ցույց տալով իրենց արտաքին վիճակը, - լայել չենք էս արեւջումն տեղաշորերին, մենք պետք ի մաքրվենք, - ասաց Գրիգորը:

Քիչ հետո դրսում օջախ արեցին, ջուր տաքացրին և բոլորը լողացան՝ այդ կերպ թոթափելով երկա՛ր ամիսների ընթացքում իրենց մարմնի կրած տանջանքներն ու հոգու տառապանքները և քիչ թե շատ վերականգնելով աստվածաստեղծ մահկանացուի իրենց վիճակը: Ուշ երեկո էր արդեն, երբ նրանք պառկեցին քնելու: Մ՛նոն նույնպես գիշերն անցկացրեց Գրիգորենց տանը:

Կրկին Աստուծո՞ն հավերժական լույսը բացվեց Զատարի-Խանի՝ վասպուրական աշխարհի գաղթականների այդ հավաքակայանի վրա: Կրկին օջախներից սկսեց ծուխ բարձրանալ՝ ի նշան վերածնված փոքրիկ Վանի կենդանության:

Զադոն, Գրիգորը, Վարդանը և Մնոն առավոտ վաղ գնացին շուկա: Տանը մնացին կամայք:

Թեև շուկան մոտ էր, բայց ամեն առավոտ էշով կամ այլ փոխադրամիջոցով տարբեր տեսակի սննդամթերք կամ այլ տեսակի առևտրի ապրանքներ էին բերվում Զատարի-Խան՝ վաճառելու: Նանիկը, Սաթենիկը և Զարեը դրսում նախաճաշի պատրաստություն էին տեսնում: Ահա հենց այդ ժամանակ Զատարի-Խանի գլխավոր մուտքի մոտ հայտնվեց մի մարդ՝ էշի վրա ինչ-որ բան բարձած, և ձայն տվեց.

- Լավ ա՛ղ, լավ ա՛ղ:

Քանի որ նորեկ գաղթականների մոտ ընդհանրապես պահեստված սննդամթերք գոյություն չուներ, ուստի Սաթենիկը դիմեց Նանիկին.

- Տու՛ք տուն աղ ունե՞ք:

- Կարձեմ քիչ-միչ կա:

Սաթենիկը մոտ կանչեց աղավաճառին և ասաց.

- Ա՞ղ ի կծախես:

- Հա՛, քուր ջան, - կոպիտ ձայնով ասաց աղավաճառը:

- Պե խեմ ծե՞թ ի, թե՞ պետ ի:

- Այ քուր ջան, ոչ փե՛տ ա, ոչ էլ ձե՛թ, ա՛ղ ա:

- Է՛, կխասկնամ աղ ի, պե խեմ ծե՞թ ի, թե՞ պետ ի:

- Ի՞նչ լեզվով ասեմ, այ քուր, ո՛չ փետ ա, ո՛չ էլ ձեթ, ա՛ղ ա, ա՛ղ, -

հավասարակշռությունից դուրս գալով ասաց աղավաճառը:

- Է, տղա, կխասկնամ, մեճակ կասեմ՝ ծե՞թ ի, թե՞ պետ ի:

Այս, այսպես ասած, վեճը կշարունակվեք, եթե նրանց չմիջամտեք հարևաններից մեկը, որը երկու շաբաթ առաջ էր եկել Վանից: Նա ուղղակի դիմեց աղավաճառին.

- Է՞մի կասի՛ պե տխնամ խոշո՞ր ի, թե՞ մանր:

- Էղպես ասա, հեր օրհնած, թե չէ՛ փե՛տ ա, ձե՛թ ա, - դժգոհելով ասաց աղավաճառը:

Պարզելով, որ աղը մանր տեսակի է, Սաթենիկը, որոշ սակարկությունից հետո, մի քանի կիլոգրամ գնեց:

Քիչ հետո տղամարդիկ վերադարձան և մտան տուն: Նրանց ետևից տուն մտան նաև կամայք:

- Է՛, ի՞նչ եք պիրե, - հետաքրքրությամբ հարցրեց Սաթենիկը:

Տարօրինակ թող չթվա Սաթենիկի այս մանկական հետաքրքրասիրությունը: Չէ՞ որ նա երկար ամիսներից ի վեր զրկված էր կանացիական, ընտանիքի հոգատար մոր հոգսաշատ այդ փոքրիկ հաճույքից:

Ի պատասխան Սաթենիկի հարցի, Գրիգորն ու Վարդանը ցած դրեցին իրենց ձեռքի զամբյուղները և մեկ առ մեկ դուրս բերեցին նրանց միջի պարունակությունները. մատնաքաշ հաց, փաթաթես, գլուխ սոխ, տարբեր տեսակի ձավարեղեն, այլուր, յուղ, տարբեր տեսակի կանաչեղեն... Կանայք նկատեցին, որ Զադոյի և Մնոյի թևերին զգված են մի քանի հնամաշ հագուստեղեն, որոնք, սակայն, հենց առաջին հայացքից աչքի էին ընկնում իրենց արտակարգ

մաքրությանը: Այս բոլորը գնել էին Գրիգորն ու Վարդանը, որոնք իրենց խնայած ոսկին շուկայում վերածել էին դրամի և կատարել մի քանի գնումներ: Ջադոն և Մոնն իրենց թևերին զգված հագուստները հանձնեցին կանանց:

- Իսո՞ք ինչեր են, - մտնամշելով երկու մեծ տոպրակները և շոշափելով այն, հարցրեց Ջարերը:

- Արևածաղկի և դդումի սերմեր են, - ասաց Գրիգորը:

- Մուկ ծակ չի մտնե, ցախավելն էլ պոչի՞ն կկապեք, - դժգոհեց Սաթեմիկը:

Սաթեմիկը:

- Իսո՞ք մե՛ր համար չեն, կնի՛կ, իսո՞ք մեր ապրուստի միջոցներն են, - վրա բերեց Գրիգորը:

- Չեմ խառնեմ, - չգոհանալով պատասխանից, շարունակեց Սաթեմիկը: - Մե՛ր համար չեն... Մե՛ր ապրուստի միջոց են... Հանելու՜կ ի կանես, ինչ ի:

- Էսօր իսո՞ք կրովեք՝ աղով, - խոսքն ուղղված էր Սաթեմիկին և Ջարերին, - մենք՝ ես և Վարդան, առավոտ կտանենք շուկա ծախելու՝ փածակով, - իր միտքը ճշտեց Գրիգորը:

- Ջադո՞ն էտ միտք թելաթրեց: Մե՛ր ապրուստ առա՛ծմ էտ միջոցով պիտի հայթաթենք, - եղբոր միտքը լրացրեց Վարդանը:

- Ահա՛ թե ինչ, - ծորացրեց Սաթեմիկը:

- Ուրիշ ճար չկա, պետք ի հարմարվենք:

Ամբողջ ցերեկն այս երկու ընտանիքներն զբաղված էին իրենց նորօրյա տնտեսական գործերով. վերջնականապես տեղավորվեցին, կարգավորվեցին և մեծ սպասումով պատրաստվեցին հաջորդ՝ գառաքիխանյան իրենց համար արտասովոր, անորոշորեն մտատանջ ու հուսաշատ քաղցր օրվան:

Կանայք կատարեցին տղամարդկանց հանձնարարությունը՝ պատվիրված ձևով քովերով արևածաղկի և դդումի սերմերը:

Ջառաքիխանյան՝ իրենց համար այնքա՛ն նրանելի և այնքա՛ն ըղձալի հոգնատանջ ընտանեկան խաղաղ առաջին օրն ամցկացրին մեր նորեկ գաղթականները: Կեսգիշեր էր արդեն, երբ նրանք պառկեցին քնելու:

Հաջորդ առավոտյան տիեզերքի միակ կենսատուն՝ լուսահողորդ և շերմացուցիչ Արփին սկսեց տվճչյան իր հավերժական կորագիծը: Գաղթականների այս փոքրիկ հավաքականյանում՝ Ջառաքի-խանում, կրկին սկսվեց մարդկային կյանքի հարաշարժ ընթացքի համեստ աշխուժությունը: Մարդիկ վերստին սկսեցին զբաղվել հանապազօրյա իրենց անվերջանալի գործերով:

Հենց այդ առավոտից Գրիգորի և Վարդանի ընտանիքների համար քացվեց նոր ու լուսավոր կյանքի հեռանկարներ: Այդ օրից սկսած նրանց ընտանիքների յուրաքանչյուր անդամ արդեն ուներ հոգսաշատ կյանքի իրեն բաժին հասած փարտականությունը:

Թվում էր, թե նրանք նորից ծնվեցին և վերապրեցին: Թվում էր, թե նրանց համար Երկրի վրա ամեն ինչ նորից նոր էր սկսվում...

ՎՈՒՈՒՅԱ ՄԲՐԱՀԱՄՅԱՆ